

SALOMON EPISCOPVS CONSTANTIENSIS.



**S**alomon natus est in Turgouia ex nobili familia de Ramschuuag. Eum parentes puerum ad huc ad celeberrimam scholam monasterij S. Galli miserunt, ut ibidem in melioribus literis & bonis moribus institueret. Erat enim optima indole & foelicissimo ingenio praeditus. Itaque breui factum, ut aequales suos omnes superaret, atque in uirum doctum et prudentem euaderet. Id quod ex eleganti dictionario liquet, quod ab eo conscriptum, etiamnum in pergameno ibidem ostenditur. Is cum adoleuisset, factus est Sacellanus Imperatoris Ludouici Balbi, anno 880. In eo officio constitutus, res sibi commissas fidelissimè administravit, atque hoc

modo sese in Cæsarum familiaritatem insinuauit, ita ut Ludouico à consilijs fuerit.